

繼總綦履之儀見雁鴻鳴之詠所可定其平生也且夫在壽有盡而今名無窮太君之賢寧獨見稱趙氏鄉國天下皆將慕其風則倣之則女宗之樹立不啻與竹帛鍾鼎並垂不朽其為壽豈不大哉抑更有進焉者太君之姑弟太孺人先以青年苦節易之人排擠其行陳之有司上之朝廷特詔旌表今太君之苦節亦受朝廷旌門之典如其姑忠孝節義

遂出一門綽楔崢嶸後先輝映古所謂治家有譜洵不誣歟夫在稱奇男子者激昂慷慨意氣見於一時其道非聖賢所許而趙氏兩女奕世一心守中道以敦庸德有非奇節畸行所可同日語者顧不偉歟他日過易水之旁見有德星嘉氣榮燭輝煌足以動太史之占者吾知其必趙氏之廬也